



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**22 Oktober 2024
19 Rabiulakhir 1446H**

Utusan Malaysia	<ul style="list-style-type: none">• Tidak perlu bimbang lagi makan kupang Port Dickson
Berita Harian	<ul style="list-style-type: none">•
Harian Metro	<ul style="list-style-type: none">•
Kosmo !	<ul style="list-style-type: none">•
Sinar Harian	<ul style="list-style-type: none">•
The Star	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
The Sun	<ul style="list-style-type: none">•
Malaysiakini	<ul style="list-style-type: none">•
Bernamea	<ul style="list-style-type: none">• Maritim Malaysia Perak tahan bot nelayan tempatan, dua nelayan warga asing
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Sabah Media	<ul style="list-style-type: none">•

JENIS AKHBAR						MUKA SURAT	TARIKH
UTUSAN MALAYSIA	/	KOSMO!	THE STAR	NANYANG SIANG PAU			
BERITA HARIAN		SINAR HARIAN	THE SUN	ORIENTAL DAILY			
HARIAN METRO		NEW STRAITS TIMES	THE MALAY MAIL	PELBAGAI			
KATEGORI LIPUTAN: POSITIF		/	NEGATIF	NEUTRAL		30	22.10.2024



PENTERNAK kupang, Mohd. Hairel Mohd. Rashid mengeluarkan hasil ternakan kupangnya ketika ditemui di Kampung Telok, Pasir Panjang, Port Dickson baru-baru ini. - UTUSAN/MOHD. SHAHJEHAN MAAMIN

Tidak perlu bimbang lagi makan kupang Port Dickson

PORT DICKSON: Penerimaan orang ramai terhadap pengeluaran kerang-kerangan termasuk kupang dari kawasan Pasir Panjang, Port Dickson kembali seperti biasa tanpa ada lagi rasa bimbang susulan kejadian kupang dari Kawasan itu yang dicemari biotoksin berbahaya pada bulan April lalu.

Pengarah Perikanan Negeri Sembilan, Kasim Tawe berkata, penjualan kupang di pasaran juga kembali normal dan harga yang dijual juga sama seperti sebelum kejadian pencemaran biotoksin tersebut.

"Kami juga ada lakukan promosi 'Jom Makan Kupang Port Dickson' baru-baru ini dan hasil maklumat daripada orang ramai, mereka tidak lagi khuatir untuk

makan kupang termasuk kerang.

"Kami juga tidak menerima sebarang maklumat jika ada yang memboikot kupang dari Port Dickson dan kami tidak menerima maklumat jika ada penternak kupang yang masih lagi terjejas," katanya kepada Utusan Malaysia di sini semalam.

Sebelum ini akhbar ini melaporkan penternak-penternak di Pasir Panjang meminta kerajaan menerusi agensi berkaitan membantu mempromosikan semula kerang-kerangan khususnya kupang di daerah ini.

Menurut mereka, agensi berkaitan dapat menguar-uarkan semula kupang dan kerang di sini sudah selamat dimakan, kerana orang ramai masih bimbang untuk membeli kupang.

Pada 10 Ogos lalu Jabatan Perikanan Malaysia menarik balik larangan terhadap penuaian dan penjualan kerang-kerangan termasuk kupang di perairan Negeri Sembilan dan Melaka sebelum itu dikuatkuasakan.

Keputusan itu dibuat berikutan bacaan biotoksin terhadap sampel menunjukkan penurunan ke paras selamat iaitu di bawah 400 per bilion (ppb)

Pada 4 April lalu, Jabatan Perikanan Malaysia mengesahkan kupang di Port Dickson telah dicemari oleh biotoksin berbahaya dan tidak selamat dimakan selepas analisis yang dijalankan mendapati terdapat tiga alga berbahaya iaitu spesies *Prorocentrum*, *Alexandrium* dan *Pseudonitzschia*.

MARITIM MALAYSIA PERAK TAHAN BOT NELAYAN TEMPATAN, DUA NELAYAN WARGA ASING



IPOH, 21 Okt (Bernama) -- Agensi Penguatkuasaan Maritim Malaysia (Maritim Malaysia) Negeri Perak menahan sebuah bot nelayan tempatan kelas B kerana melakukan pelbagai kesalahan, bersama dua nelayan warga asing, di kedudukan 1.2 batu nautika barat laut Pulau Talang, Lumut, semalam.

Pengarah Maritim Negeri Perak Kepten Maritim Mohamad Shukri Khotob berkata dalam kejadian kira-kira 12.15 tengah hari itu, bot berkenaan dikesan ketika nelayan terbabit sedang leka melakukan aktiviti perikanan oleh sepasukan bot ronda Maritim Malaysia melakukan rondaan di sekitar perairan negeri Perak.

Hasil pemeriksaan mendapati bot tersebut dikendalikan oleh seorang tekong warga Myanmar berusia 50 tahun, bersama seorang kru yang juga warga Myanmar berumur 42 tahun.

"Pemeriksaan lanjut mendapati bot terbabit tidak diusahakan sendiri dan menggunakan nelayan asing tanpa kebenaran bertulis daripada Ketua Pengarah Perikanan Malaysia. Selain itu, kru bot tersebut juga gagal mengemukakan dokumen pengenalan diri yang sah.

"Kes disiasat di bawah Akta Imigresen 1959/63 kerana tinggal di Malaysia tanpa dokumen pengenalan diri yang sah dan Akta Perikanan 1985 kerana tidak diusahakan sendiri dan menggunakan nelayan asing tanpa kebenaran bertulis daripada Ketua Pengarah Perikanan Malaysia," katanya dalam kenyataan hari ini.

Menurut Mohamad Shukri, kesemua nelayan bersama bot, hasil tangkapan serta peralatan menangkap ikan ditahan supaya diserahkan kepada pegawai penyiasat Maritim Malaysia untuk tindakan lanjut.

Justeru, beliau berkata Maritim Malaysia menegaskan agar komuniti maritim sentiasa mematuhi peraturan yang telah diwartakan kerajaan dan agensi itu tidak akan berkompromi mengenai tindakan terhadap pesalah yang melakukan aktiviti menyalahi undang-undang.

-- BERNAMA